



## **SIARAN MEDIA**

Untuk Siaran Segera

### **Great Eastern Takaful Rangkul Pelbagai Anugerah di Takaful Star Awards 2025**

*Rai Kecemerlangan dalam Menyediakan Perlindungan selama 15 Tahun*

**24 Mei 2025, Kuala Lumpur** – Great Eastern Takaful Berhad (GETB) meraikan satu lagi pencapaian penting pada tahun ini dengan merangkul sembilan anugerah kecemerlangan di Takaful Star Awards 2025, anjuran Persatuan Takaful Malaysia (MTA).

Pengiktirafan ini menzahirkan komitmen Great Eastern Takaful untuk mengekalkan prestasi tinggi dalam menyediakan penyelesaian perlindungan yang inovatif dan inklusif untuk rakyat Malaysia. Anugerah ini bukan sahaja mencerminkan kualiti produk yang ditawarkan, malah ia turut memperlihatkan keutuhan misi syarikat dalam melindungi kesejahteraan individu dan komuniti yang memerlukan.

Antara peristiwa bermakna pada malam tersebut ialah anugerah yang mengiktiraf kecemerlangan perunding takaful, termasuk Ejen Baharu Terbaik, Pengurus Unit Terbaik, Pengurus Agensi Terbaik dan Ejen Terbaik. Anugerah ini membuktikan peranan penting para perunding takaful dalam menyediakan akses kepada rakyat Malaysia untuk mendapatkan perlindungan yang diperlukan. Sebagai salah satu saluran pengedaran produk, mereka memainkan peranan penting dalam menawarkan penyelesaian yang mengikut keperluan peribadi di samping memastikan hubungan jangka panjang dengan para pelanggan. Salah satu fokus utama Great Eastern Takaful adalah pembangunan kemahiran para perunding takaful yang telah membina rangkaian profesional yang sangat kompeten, berdedikasi dan bersemangat, yang menjadi penanda aras industri takaful dalam aspek kecemerlangan dan perkhidmatan pelanggan.

“Dalam meraikan 15 tahun perkhidmatan kami kepada rakyat Malaysia, kami berbesar hati atas anugerah kecemerlangan dan dedikasi perunding takaful kami,” kata Encik Shahrul Azlan Shahrman, Ketua Pegawai Eksekutif Great Eastern Takaful Berhad. “Pencapaian mereka adalah bukti usaha berterusan kami dalam menyediakan latihan, pembangunan insan dan sistem sokongan yang memperkasakan mereka untuk terus berjaya,” tambah beliau.

Selain produk perlindungan individu, Great Eastern Takaful turut menawarkan penyelesaian perlindungan berkelompok yang komprehensif dengan menyediakan perlindungan Takaful yang disesuaikan untuk perniagaan, organisasi dan komuniti. Di bawah kategori Perniagaan Takaful Keluarga Berkelompok, Great Eastern Takaful telah merangkul Anugerah Pengeluar Perniagaan Berkelompok Terbaik dan Agensi Korporat Perniagaan Berkelompok Terbaik.

Encik Shahrul Azlan Shahrman menambah, “Pengiktirafan ini mengukuhkan lagi tujuan kami untuk menyediakan perlindungan takaful dengan akses mudah dan dipercayai kepada individu mahupun organisasi. Sama ada melalui pelan takaful keluarga individu atau manfaat berkelompok untuk para pekerja, kami sentiasa memastikan perlindungan yang kukuh dan berkembang mengikut keperluan pelanggan kami.”

Takaful Star Awards 2025 merupakan satu platform utama industri untuk meraikan pencapaian pengendali takaful, perunding takaful dan rakan pengedaran yang membentuk masa depan perlindungan kewangan Islam di Malaysia.

**-TAMAT-**

### **MENGENAI GREAT EASTERN TAKAFUL BERHAD**

Great Eastern Takaful Berhad adalah syarikat usaha sama antara i Great Capital Holdings Sdn Bhd (i-Great), anak syarikat Great Eastern Holdings Limited dan Koperasi Angkatan Tentera (M) Berhad. Sejak ditubuhkan pada tahun 2010, Great Eastern Takaful komited dalam menyediakan produk perlindungan takaful keluarga komprehensif yang memberi perlindungan kesihatan dan kewangan patuh syariah dalam usahanya untuk merapatkan jurang perlindungan di kalangan rakyat Malaysia, termasuk kumpulan berpendapatan rendah (B40). Menzahirkan pendekatan Takaful untuk Semua, operasi perniagaan GETB disokong oleh pelbagai saluran pengedaran, rakan perniagaan korporat dan perbankan untuk terus mengukuhkan kedudukannya dalam industri dan memenuhi keperluan perlindungan para pelanggan.

Melangkaui operasi perniagaan, Great Eastern Takaful juga giat menjalankan pelbagai inisiatif tanggungjawab sosial yang memfokuskan pendidikan (GET-Pintar), pembangunan komuniti (GET-Care) dan kelestarian alam sekitar (GET-Green) demi membantu masyarakat memperoleh kualiti hidup yang lebih baik.

Aspirasi Great Eastern Takaful untuk mencapai kejayaan bersama rakyat Malaysia adalah terbukti melalui pelbagai anugerah dan pengiktirafan tempatan dan antarabangsa. Antara pengiktirafan terkini adalah anugerah “Pengendali Takaful Terbaik Malaysia 2022” oleh Global Business Outlook Awards dan pada tahun 2023, Great Eastern Takaful diiktiraf sebagai “Most Valuable Brand – Takaful Solutions” oleh The BrandLaureate BestBrands Awards, “Penyedia Penyelesaian Takaful Terbaik” oleh Global Islamic Finance Awards (GIFA) serta pelbagai anugerah Takaful Star Awards oleh Persatuan Takaful Malaysia. Tahun 2024 menyaksikan Great Eastern Takaful diperakui sebagai “Majikan Terbaik” oleh Anugerah Majikan Terbaik Kincentric, dianugerahkan sebagai “Penyedia Penyelesaian Takaful Terbaik” oleh Global Islamic Finance Awards (GIFA), diiktiraf dengan “Anugerah Inisiatif – Upcycling” oleh ESGBusiness Awards di samping menerima beberapa anugerah lain daripada HR Excellence Awards 2024. Untuk maklumat lanjut, sila layari [www.greateasterntakaful.com](http://www.greateasterntakaful.com). Great Eastern Takaful juga merupakan ahli PIDM.

Pihak Kerajaan juga telah melantik Great Eastern Takaful sebagai pengurus skim mySalam, yang merupakan skim perlindungan kesihatan nasional yang dikawalselia oleh Bank Negara Malaysia.

#### **Untuk keterangan lanjut, sila hubungi:**

Mastura Abd Rahim

Assistant Vice President – Brand & Corporate Communications

Great Eastern Takaful Berhad

Tel: +6016 - 209 234

E-mail: [MasturaAbdRahim@greateasterntakaful.com](mailto:MasturaAbdRahim@greateasterntakaful.com)